

Vestland fylkeskommune

Att:

Postboks 7900

5020 Bergen

Fiskeridirektoratets uttale til høyring av planprogram for regional plan for verdiskaping og kompetanse – Vestland fylkeskommune

Vi viser til oversending datert 26.08.2025.

Regional plan for verdiskaping og kompetanse skal legge til rette for strategisk prioritering. Planen vil gi overordna rammer, prinsipp og konkrete føringar for utvikling av næringsliv, arbeidsplassar og kompetansefeltet i Vestland.

Planen vil bygge på utfordringsområda i kunnskapsgrunnlaget til utviklingsplanen i Vestland. Det er i planprogrammet definert to plantema: omstilling og konkurransekraft, samt kompetanse og inkludering. Under omstilling og konkurransekraft vil planen ha særleg merksemd på moglegheiter og barrierar på tvers av verdikjeder og næringar, sirkulærøkonomi og innovasjonssystemet.

Fiskeridirektoratets rolle i planarbeid

Fiskeridirektoratet har som oppgåve å fremje lønsam og verdiskapande næringsaktivitet gjennom berekraftig og brukarretta forvaltning av marine ressursar og marint miljø. Vi skal ta i vare fiskeri- og akvakulturnæringane sine interesser i planarbeid, inkludert marint biologisk mangfald.

Nasjonale forventningar til regional og kommunal planlegging 2023–2027

Dei nasjonale forventningane til regional og kommunal planlegging ligg til grunn for Fiskeridirektoratets medverknad i planlegginga.

Regjeringa forventar at kommunane legg berekraftsmåla til grunn for samfunns- og arealplanlegginga. Fiskeridirektoratets samfunnsoppdrag overlappar i stor grad med FNs berekraftsmål nummer 14 «Bevare og bruke havet og dei marine ressursane på ein måte som fremjar berekraftig utvikling». Sjømatproduksjon bidrar til å oppnå mattryggleik og betre ernæring, i samsvar med berekraftsmål 2 om å utrydde svolt. Berekraftig matproduksjon i fiskeri og havbruk utgjer ein del av grunnlaget for nasjonal mattryggleik, jamfør Meld.St. 35 (2024-2025).

Fiskeri er ei naturbasert næring. I dei nasjonale forventingane er det forventa at det er lagt til rette for naturbaserte næringar. Dette er næringar som er viktige for verdiskaping, arbeidsplassar og busetnad i store delar av landet. Heilskapleg planlegging er nødvendig for å sikre ressursgrunnlaget for utvikling av naturbaserte næringar.

Utvikling innan akvakultur kan bidra til grøn omstilling. I dei nasjonale forventingane er det forventa at det blir lagt til rette for næringar som bidrar til grøn omstilling. Dette er næringar som er viktige for å skape fleire lønsame arbeidsplassar og for å auke den samla verdiskapinga og eksportinntektene. Regional planlegging er viktig for å legge til rette for grøn næringsutvikling.

Våre innspel til planarbeidet

Sjømatnæringane har stor betydning for verdiskapinga i Vestland. Dei temaa som blir tatt opp i planprogrammet er relevante for fiskeri- og akvakulturnæringane. Berekraftig verdiskaping og lønnsam næringsaktivitet er viktig for sjømatnæringane. Når fylkeskommunen skal utarbeide ein plan som skal gje strategisk retning for utvikling og mobilisere aktørar med viktige verkemiddel for samfunnsutvikling, meiner vi at sjømatnæringane må inkluderast i arbeidet.

Vi ser det som positivt at planen vil bygge vidare på erfaringar og resultat frå blant anna Grøn region Vestland og Styrka marin innsats, som vi deltek i saman med aktørar frå sjømatnæringa.

Vidare planprosess

Fiskeridirektoratet ber om at våre innspel blir tatt med og vurdert nærare i planarbeidet. Vi ønsker Vestland fylkeskommune lykke til med arbeidet og ser fram til vidare deltaking i planprosessen.

Med helsing

Tom Hansen
seksjonssjef

Cecilie Marie Åshamar
seniorrådgiver

Brevet er godkjent elektronisk og vert sendt utan handskriven underskrift.



Mottakarliste:

Vestland fylkeskommune

Postboks 7900

5020

Bergen

Kopi til:Kystverket
Sjømat NorgePostboks 1502
Postboks 5471
Majorstua6025
0305Ålesund
OsloStatsforvaltaren i Vestland
Sør-Norges FiskarlagNjøsavegen 2
Postboks 9366863
6001Leikanger
Ålesund